

Tuzlarije

TUZLARIJE - KULTURA

24.04.2010.

Noćas u BKC-u

„Legende“ pokazale zašto su legende

Na početku koncerta u BKC-u jedan od članova "Legendi" rekao je da je njihov cilj da šire prijateljstvo i stiču prijatelje pjesmom, te da se nadaju da će nakon koncerta imati nove prijatelje iz Tuzle. Sudeći prema toplom prijemu publike koja je pjevala sa „Legendama“, te aplaudirala nakon svake numere, u tome su i uspjeli.



Ulaznice za koncert „Legendi“, koji je noćas održan u BKC-u, rasprodane su za tri dana. Velika zainteresovanost Tuzlaka za koncert ove beogradske grupe nije iznenađenje s obzirom na njen muzički kvalitet i činjenicu da djeluju već petnaest godina.



Pjevač grupe Ivan Milinković izuzetnih je glasovnih mogućnosti, prije nego je počeo pjevati u "Legendama" bio je devet godina u Beogradskoj operi. Pjeva srcem i od srca, a publika to zna cijeliti.



Grupu čini šest članova: Ivan Milinković, Zoran Dašić, Lazar Marin, Pero Krznanić, Želimir Vasić i Predrag Stojković. Njihova prva koncertna sezona počela je 1995. godine u Sava centru, i od tada su održali 43 koncerta u istoj dvorani i preko 1300 u gradovima Srbije, Crne Gore, Makedonije, Bosne i Hercegovine, Mađarske, Poljske, Kipra, Švedske, Slovenije, Švicarske, Austrije, Kanade, Njemačke, Austrije, SAD-a i Rusije. Dobitnici su značajnih priznanja, a publiku dobijaju kvalitetnim nastupima i iskrenošću u interpretaciji.

Tekstovi pjesama koji tematiziraju ljubav ukomponovani su u varijanti između starogradskih i zabavnih pjesama.

S.M.